

K29-51

中國方志叢書·華北地方·第五三二號

據 民國·萬廷樹修，洪亮吉纂
民國二十三年刊本

影印

陝西

淳化縣志

(二)

成文出版社有限公司印行

中華民國六十五年

月臺一版

淳化縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第 一一四七號

淳化縣志卷二十

知縣事南州萬廷樹重修

士女志第十五

鄭樸昂士傳字子眞谷口人修道靜默世服其清高時大將王鳳以禮聘之不屈揚雄盛稱其德曰谷口鄭子眞隱於巖石之下名震京師馮翊人刻石祠之至今不絕雲陽宮記子眞所居處有泉時人名爲鄭泉

宣秉後漢書列傳字巨公馮翊雲陽人也少修高節顯名三輔哀平際見王氏據權專政侵削宗室有逆亂萌遂隱遁深山州郡連召常寢疾不仕王莽爲宰衡辟命不應及莽篡位

又遣使者徵之秉固稱疾病更始卽位徵爲侍中建武元年
拜御史中丞光武特詔御史中丞與司隸校尉尙書令會同
並專席而坐故京師號曰三獨坐明年遷司隸校尉務舉大
綱簡略苛細百僚敬之秉性節約常服布被蔬食瓦器帝嘗
幸其府舍見而歎曰楚國二公不如雲陽宣居公卽賜布帛
帷帳什物四年拜大司徒直所得奉祿輒以收養親族其孤
弱者分與田地自無擔石之儲六年卒於官帝愍惜之除子
彪爲郎東觀漢記彪官至元淳太守

舊志載秉涇陽人今考漢書光武云雲陽宣巨公是時雲
陽未分縣也故仍舊志首錄之 亮吉按舊志又載第五

倫今考後漢書倫傳倫京兆長陵人是與雲陽無涉卽云
後裔有居淳化者因而載及倫則強祖就孫又非史例今
不錄

王隆後漢書列傳字文山馮翊雲陽人也王莽時以父任爲
郎後避難河西爲竇融左護軍建武中爲新汲令能文章所
著詩賦銘書凡二十六篇初王莽末沛國史岑子孝亦以文
章顯莽以爲謁者著頌誅復神說疾凡四篇

宋

王宏毅涇陽縣志字子遠唐王珪裔也總角通詩書善屬文
元兵克汴避難習醫及歸元管勾太醫院事治疾如神年四

享

七

系

七

卷二十

上女

一

二

西

安

克

興

印

書

二 西 安 克 興 印 書 館 代 印

十卽求退隱谷口之文川結廬谿上壽七十五而終

元

趙弼涇陽縣志字元輔父得賢豐州軍民總管以征蜀過京兆雲陽因家焉弼年十一父卒會世祖平雲南歸駐平涼母攜往謁世祖憐而愛之視遇甚優後官朝列大夫歷簽書樞密院事大德三年以平章政事議陝西省事卒贈潞國公事母至孝爲大都留守屏騶從惟家僮一二饋食平生珠帽錦衣非燕內廷不服其簡抑如此

明

張景芳舊志洪武中舉人任浙江金華府同知有善政舊祀

鄉賢

第五寧洪武中貢生任交趾當道縣知縣遠人畏服舊祀鄉賢

趙信永樂中舉人任刑科給事中剛直敢言舊祀鄉賢

賈貫永樂中貢生任山西絳州同知清白有守舊祀鄉賢

關貴字天爵正統丁卯科舉人任直隸良鄉縣教諭轉四川成都府教授陞梓潼縣知縣四川通志載築城事蹟後補綿竹縣調巴縣保寧府志載循良傳今祀鄉賢

羅樹字濟川景泰庚午科舉人任河南商水縣知縣巡撫王端毅公題薦令行禁止政安民安通省卓異第一陞直隸開

江仁集
州知州政蹟詳開州志今祀鄉賢

袁讓天順中貢生任山東汶上縣知縣持守公廉善於撫字
富道交薦其賢載山東通志秩滿堂遷民伏闕奏留復任後
以疾歸皆遮道泣送今祀鄉賢舊志按舊稱任縣丞恐佐貳
無復任之例今從邠州志

羅九霄字隱之年十二隨父楫任開州能襄理善政卻饋金
嘉靖初遷學宮衆共推監督勤慎不苟以恩例有司勸冠帶
屢舉鄉飲晚號福田翁復建永安橋爲地方風水所重工費
浩繁皆捐貲以給時年已耄扶杖親率工作無倦容子仁夫
賢夫俱貢生任知縣又督諸孫學年九十餘見廷繡登進士

任文選廷紳舉於鄉舊志載耆德詳見馬理撰隱德傳載舊
邠州志

羅仁夫字孟居嘗讀書壽峯山下自號壽峯嘉靖中選貢生
子廷繡任吏部郎中考績當封不受及任通政當封又不受
就任山西樂平縣知縣以廷繡巡撫四川取道省親乃致仕
歸在任多實政士民攀援擁道及卒補封右通政遣官諭祭
於墓詳見喬世寧撰墓碑

羅廷繡字公裳嘉靖辛卯科舉人戊戌科進士由行人歷任
吏部郎中太常寺卿通政仕至四川巡撫都御史明縣中無
甲第自公發祥遂躋顯仕制詞稱其朴茂之質練達之才晚

年家居創修縣志纂述淹貫考論詳核爲鄉先達文學之冠
惜狀志徧索不得其他著述亦俱失傳

王尙友字子益嘉靖甲午科舉人初任四川通江縣知縣由
知州歷陞戶部福建司郎中居鄉惠愛及人於封贈原築堰
蓄水爲近村灌溉之利鄉人德之立王郎中祠

羅廷紳字公書嘉靖丙午科舉人癸丑科進士由主事歷任
至四川保寧府知府贊其兄廷繡成本縣志留心金石遺蹟
不致泯沒士大夫博學好古略見一班所著有小山志不傳
其狀志亦無考

袁楨字伯祥嘉靖己酉科舉人隆慶中撫按彙題薦舉孝廉

授國子監學正陞戶部員外郎

羅奎字文光嘉靖甲子科舉人隆慶戊辰科進士任河南上蔡縣知縣薦舉卓異後陞陞兵部郎中從朝廷大閱賜金帛仕至山東萊州府知府詳見袁楨撰墓誌

羅希孟通志字景虞萬歷壬午科舉人初任直隸望江縣知縣由戶部員外郎陞郎中陞滿廣鄆陽府知府仕至雲南按察司副使監軍多功滇中有長城之望卒於官得旨贈卹

賈克忠字獻我萬歷癸卯科舉人甲辰科進士初任直隸黔縣知縣調繁休寧陞刑部主事審錄四川以矜疑出死罪以下百六十餘人蜀人頌之尋任直隸廬州府知府除強暴興

學校善政著聞歷山西布政司參政陞按察使司按察使素
性謹厚家居杜門課子不妄交遊教諸生多所造就鄉曲敬
服今祀鄉賢

宋明道通志字景程天啓六年貢生任西鄉縣訓導尋改紫
陽縣陞肅州衛教授性寬和溫厚而不輕言笑爲諸生模範
肅如也以年老引歸杜門發所藏書教其子振麟遂爲名士
嘗躬親蠶畝云農以資學雖老不可忽及崇正末大饑荒家
人同食糠覈以粟分給宗黨人交賴之

王近泉通志逸其名不傳生有奇氣博覽古今不屑爲舉子
業以理學有名關中三水文光祿太青嘗從之遊推爲高隱

羅大經舊志

下同

以歲貢生任湖廣鄖縣訓導陞竹山縣知

縣在任有軍功陞鄖陽府推官監軍六營又陞本府清軍同知

國府

賈我琪字元圃克忠仲子明崇正壬午科舉人

國朝順治十三年任直隸大明府通判修黃河金龍口勤慎有功加陞廣西慶遠府知府行至襄陽慨然曰奈何以父母之身輕投瘴癘之鄉哉遂請致仕歸里

張坊字南谷明崇正中歲貢生初任興平縣訓導陞汧陽教諭又陞寧夏衛教授端方正直勤課多士當道三次薦擢委

享

七

卷

二十

士女

六一西安克興印書館代印

署平涼府推官

國朝順治初年留任教授引年歸自號南谷老人煙霞邱壑寧
靜淡遠不入城市復十餘年知縣趙文二君皆推重屢舉鄉
飲卒年九十四

姚開先字堯門順治五年恩拔貢生初任汾州府臨縣知縣
復補四川鹽井衛經歷康熙十三年吳逆變滇中賊黨入蜀
逼投順不屈於會鹽營自縊死子謙被掠後冒險扶襯歸奉
母王氏矢志力學中癸酉科鄉試不幸早卒忠烈之後不得
食報識者痛之孫源濬縣學生

宋振麟字子楨順治十二年恩拔貢生性狷介博極羣書尤

究心理學部徵應受職以疾辭及當事薦舉博學復堅辭不
應所至郡邑諸有司先達爭聘致爲經師康熙三年賈中丞
延修通志與華陰王三史朝邑季叔則諸君同任纂輯叔則
題像贊有文獻不足有宋存焉之句富平李天生又云其貌
古以蒼其神清以剛其操潔而行芳其中坦而外方亦可見
其爲人矣所著大學知止義說二程語錄實鑑及詩文甚夥
學者宗之年近七十端坐而逝私諡文介先生子鉞峯宜縣
學生

葛大才字文涵舊義門里人年十七喪母哀毀過人事繼母
孝謹爲諸生閉戶潛修教子孫諄諄天理人欲之辨當明祚

將終夢日月並隕及闖賊至又夢城隍神告丁憂平生無妄語人皆信之年六十預尅期聚親族笑語而逝里中李孝者死三日復甦述于冥中見其衣冠談笑如生前且告以善惡果報歷歷不爽人於是更異之子毓秀係攀桂俱廩膳生羅萬藻字含素青縣君五世孫食餼於庠善承家學清操介節終身如一日與同縣姚門宋子楨爲道義交討論性命之學又能誨迪後進多所造就子楨子鈺受業萬藻萬藻子金復受業於鈺有文譽試嘗冠軍

寇宏化字禹門縣學生性醇厚與人溫和不親晚自號東臯處士生平好施與時值歲凶解依推食全活者甚衆諸名流

贈言云在易爲敦艮之確在詩爲載陽之熙良非虛語

張燦垣字帝彩縣學生鳳翼子也少聰敏年十七兩冠童子科二十餼於庠三應秋闈不利父怒訶之跪而對曰兒功候未到耳閉戶揣摩思慰義方之訓康熙王子科雲間葉忠節公典試以春秋冠多士爲第三人制藝人傳誦之平日篤志事親和睦族黨所居近河邨有公子扶蘇廟與同里修葺設鄉約朔望宣講

上諭化導鄉人屢上春官不售身後家徒壁立云

劉從聖字孔門康熙廿一年歲貢生讀書教子足跡不履公門任慶陽府環縣訓導時兵燹後棲止城樓捐俸修葺文廟